

Društvo sa ograničenom odgovornošću je pravni subjekat koji to svojstvo stiče upisom u Registar privrednih subjekata, a koji vodi Agencija za privredne registre. Firma (naziv) društva sa ograničenom odgovornošću može biti personalna – upućuje na ime nekog člana društva ili realna – upućuje na djelatnost koja se obavlja. Članovi društva često upravljaju i poslovima društva i zaposleni su u društvu. Ovo je najtipičniji i najzastupljeniji oblik privrednog društva.

Društva kapitala (dioničarsko društvo d.d. i društvo sa ograničenom odgovornošću d.o.o.) su takvi privredni subjekti gdje je odlučujući kapital, a ne lična svojstva osnivača. Kod ovih društava, za razliku od obrta, imovina društava je odvojena od imovine članova. Dakle, za preuzete obaveze prema trećim licima odgovara samo društvo i to svojom cjelokupnom imovinom. Ako je društvo poslovalo sa gubicima i ima obaveze prema trećim licima, član društva može izgubiti samo ono što je putem uloga uložio u privredno društvo, a ne i svoju ostalu **ličnu** imovinu koja je odvojena od imovine društva. Prema tome članovi društva ne mogu odgovarati niti biti tuženi za obaveze društva, već snose poslovni rizik i to samo do iznosa unešenog udjela.

## OSNOVNE KARAKTERISTIKE

### društva sa ograničenom odgovornošću (d.o.o.)

Društvo sa ograničenom odgovornošću je društvo čiji je temeljni kapital podijeljen na udjele.

Za obveze društva sa ograničenom odgovornošću član društva odgovara svojim udjelom.

U društvu sa ograničenom odgovornošću koje nema nadzorni odbor njegove ovlasti vrše članovi društva, koji ujedno čine i skupštinu.

Društvo sa ograničenom odgovornošću osniva se ugovorom u pismenom obliku koji zaključuju osnivači, a čiji potpisi se ovjeravaju u skladu sa zakonom.

Kada društvo s ograničenom odgovornošću osniva samo jedan osnivač, osnivački akt je odluka o osnivanju.



[www.zenica.ba](http://www.zenica.ba)



### GRAD ZENICA

Služba za privredu, gradsku imovinu i  
upravljanje razvojem  
Amra Mehmedić - Pomoćnik Gradonačelnika  
Trg BiH 6, 72000 Zenica  
Tel: 032 447 760  
Fax: 032 447 761  
Email: [amra.mehmedic@zenica.ba](mailto:amra.mehmedic@zenica.ba)  
[www.zenica.ba](http://www.zenica.ba)



Zenička razvojna agencija ZEDA  
Senad Pašalić - Direktor Agencija ZEDA  
Poslovna zona Zenica 1  
Zmaja od Bosne bb, 72000 Zenica  
Tel: 032 449 410  
Fax: 032 449 415  
Email: [info@zeda.ba](mailto:info@zeda.ba)  
[www.zeda.ba](http://www.zeda.ba)

GRAD ZENICA

KAKO  
registrovati  
d.o.o.  
u 9 koraka

## 1. PRIPREMA I SASTAVLJANJE OSNIVAČKOG AKTA

Sastavljanje i ovjeru osnivačkog akta ili ugovora o osnivanju vrši notar.

Osnivački akt društva s ograničenom odgovornošću obavezno sadrži (propisano članom 313 Zakona o privrednim društvima):

1. Ime, prezime i adresu prebivališta ili firmu i sjedište osnivača;
2. Naziv, sjedište i djelatnost društva;
3. Iznos osnovnog kapitala društva, broj i visina udjela članova;
4. Prava i obaveze članova društva;
5. Postupak u slučaju kada neko od osnivača ne uplati svoj ulog do ugovorenog roka ili ne ispuni drugu obavezu;
6. Način izmirenja troškova osnivanja društva;
7. Imenovanje lica ovlaštenih za vođenje poslovanja i zastupanje društva i prijavu za upis osnivanja društva u sudski registar;
8. Posljedice neuspjelog osnivanja;
9. Posebne odredbe ako se društvo osniva na određeno vrijeme
10. Ovjeren potpis osnivača ili ovlaštenog zastupnika za registraciju društva u BiH (ovjera potpisa se vrši kod notara)

CIJENA: Notarska obrada = **400 KM – 450 KM**

## 2. UPLATA OSNIVAČKOG KAPITALA

Osnivački kapital položen u banci. Osnovni kapital društva s ograničenom odgovornošću s više osnivača iznosi najmanje **10.000 KM**, a s jednim osnivačem najmanje **2.000 KM**. Vrijednost pojedinačnog uloga ne može biti manja od **2.000 KM**.

## 3. REGISTRACIJA U OPĆINSKOM SUDU

1. Ovjeren potpis lica ovlaštenog za zastupanje na obrascu prijave za registraciju za općinski sud
2. Notarski obrađen akt o osnivanju;
3. Notarski utvrđen statut;
4. Potvrda banke o izvršenoj uplati kapitala u novcu, odnosno dokaz o novčanjoj vrijednosti stvari i prava unesenih u društvo;
5. Odluka o imenovanju lica ovlaštenog za zastupanje ukoliko nije imenovano aktom o osnivanju;
6. Ovjeren potpis lica ovlaštenog za zastupanje.
7. Dokaz o sredstvima osiguranja za neuplaćeni iznos novčanog dijela osnivačkog uloga, odnosno za vrijednost neunesenog nenovčanog udjela.

## 4. IZRADA PEČATA

Pečat sadrži naziv i sjedište privrednog društva. Izrada pečata se vrši kod ovlaštenog pečatoresca. Prilaže se kopija rješenja o upisu društva u sudski registar.  
CIJENA: **cca 30 KM** (ovisi o veličini pečata).

## 5. IZDAVANJE ID BROJA

Zahtjev za dobivanje identifikacionog broja i Obavještenja o razvrstavanju na šifru djelatnosti podnosi se Kantonalnom poreskom uredu Zenica, ulica Zmaja od Bosne 57  
Cijena: kopiranje i ovjera dokumentacije = **cca 30 KM**

## 6. OTVARANJE ŽIRO RAČUNA

Otvaranje žiro računa se vrši u jednoj od poslovnih banaka u BiH. Preduzeće može imati više žiro računa. Dokumentacija za otvaranje žiro računa kod poslovne banke:

- > Ovjerena kopija sudskog rješenja,
- > Statut preduzeća,
- > Kopija lične karte
- > CIPS prijava,
- > Kopija identifikacijskog broja,
- > Karton deponovanih potpisa

## 7. PRIJAVA U SISTEM PDV-a

Nakon dobivanja identifikacionog broja, preduzeće koje ima promet preko 50.000,00 KM ili očekuje da će imati oporezivog prometa 50.000,00 KM, dužno je izvršiti registraciju preduzeća u sistem obveznika Poreza na dodanu vrijednost (PDV-a). Preduzeće koje se bavi izvozom i uvozom mora imati i carinski broj. Carinski broj se izdaje nakon prijave u Upravi indirektnog oporezivanja.

CIJENA: administrativna taksa + kopiranje + ovjera = **cca 50 KM**

## 8. PRIJAVA DRUŠTVA I ZAPOSLENIH U PORESKU UPRAVU

Da biste prijavili firmu u nadležnu poresku upravu potrebni su vam sljedeći dokumenti (originali ili ovjerene kopije):

- > rješenje o upisu u sudski registar
- > potvrda o matičnom/identifikacionom broju
- > popunjen obrazac za prijavu kompanije

**NEMA TROŠKOVA** (ovo sve već imate)

## 9. FISKALIZACIJA

Podnošenje zahtjeva za inicijalnu fiskalizaciju

CIJENA: Fiskalizacija + fiskalni uređaj = **cca 700 KM**